



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

II. Imperator Carolus fratrem Ferdinandum in Romanorum Regem eligi
curat.

urn:nbn:de:hbz:466:1-10880

sam & reformatam Ecclesiam auxilium implorant. Huic fedeli igitur Christianus, qui armis Daniæ regnum occupaverat, subscriptus. In idem receptus fuit Dux Wirtembergicus, contra Norimbergensis conventus decretum. Illi quidem, ut regnū suum stabiliret, nulla expeditior ratio visa est, quam si religionem mutaret: quod & fecit Lutheri Prædicantis seu Ministri manibus coronatus. Huicverò obditiones litigiosas res erat: sed mutatio hæc Religionis in Dania integrū sibi caput postulat. Henricus Anglie Rex quamvis a Protestantī federe diu alienus esset; ad multa tamen Pontificis & Cæsaris odio, posthabitā, quam Deo debebat obedientia, consensit, & res eorum non parum promovit ac tandem federis iunxit. A federe tamen exclusi sunt Sacramentarij Zwingiani & Helvetij: de quibus Joannes Fridericus ad patrem, qui tum ægrotus decumbebat, relaturum se dicebat. Lutherus postea tam acriter se opposuit, ut aditus eis omnino fuerit præclusus.

11. Cæsar uti dictum est quamvis tum in flore ætatis adhuc esset constitutus, metuēs ne ex morte sua novæ de successione turbæ nascerentur, de fratre Ferdinando in Romanorum Regem eligendo & Imperij successore designando cogitationē suscepit. Aut quidam Carolus V. videntem molem Regnorum dicatorum, & quod dum uni præfens rebellionem compонit, alteri occasio detur insurgendi, & pacem pessundandi, in eam mentem devenisse; quidam vero aliter interpretantur, in hoc magis illud spectasse quomodo Imperij successionem in suæ familiae linea continuaret & velut hæreditariam redderet, quam quomodo religionem restauraret, coque postea in Concilio Tridentino Bullam auream corrigeret, & in prædictum Maximiliani II. Philippum filium in regem Romanorum eligi voluisse: ut videre est ex epistola quadam Jacobi Amiori ad Morvillerium Gallorum Regis Consilium. Sed hoc posterius quantam fidem mereatur non satis appetet. Veruntamen Protestantes ægre tulisse electionem illum perspicue per Saxonē protestando declaratū. Non multo post Cæsar, composendi dissidij religionis causa, conventum indicit Spiræ. Eo Saxonē evocatus, ita se excusavit, ut diceret non modo ad professiones inhabilem se esse, verum etiam ubicumque fit futurus, non se posse verbī divini doctrina & predicatione carere; & rem omnino postulare, ut Lutherum & secum adducat, &c. His tergiuſationibus effectum est, ut conventus ille Ratisbonam, fuerit remissus

ad sequentis anni 1532 initium. Interea mense Iunio anni 1513. Protestantes Francofurti conventum indixerunt, absente licet Saxone & ægro, eam occasionem nactus Albertus Moguntinus ac Ludouicus Palatinus Cæsar nomine, quem urgebat fama Turicæ irruptionis, pacis actionem Protestantibus obtulere, ad 20. Augusti diem, sed ea actio in sequentem annum est protracta, donec tandem post conventionem Ratisbonæ à Cæsarianis & Schyveinitijs à Protestantibus habitos, tertia Iunii Protestantes Norimberga convenientes, & de pace ob Turcas componenda Conventi, non nisi consulto Lutheri tandem 23. Julij anni 1532. pacem civilem Religionis usque ad Generale Concilium sanxere, cum Cæsarianis, quam secunda Augosti Cæsar raram habuit. (e) Interea rumorē de ingenti bellico apparatu quo Solimannus de Lutheri conatibus certior factus, & Christiauorū dissidijs fretus, immo, ut nonnulli aint, ab ipsis Protestantibus sollicitatus, Hungariam invadere parabat, ob quem Imperator, tantam Christianæ reipublicæ tempestatem imminere, & à Protestantibus nulla alia ratione auxilia imperatori posse vindens, pacem publicam totius Germaniæ nec cuiusquam ulla religionis causa, molestia aut vis fiat, donec per Conciliū, cuius tum magna erat expectatio, certi aliquis esset decretum sanciverat, non vanum fuisset docuit eventus irruptionibus in Austriam Turcis. Itaque Imperator tandem Protestantium metu liberatus, in Austria proficiscitur, & positis ad Vienam, quam Solimannus obsederat, castris, effusam Turcarum populationem non solum coercet, sed & ditionibus Christianis, cæsis multis millibus fugavit, quibus domum revertis, Imperator quoque exercitum dimittit, non multo post in Icaliam profectus, ut cum Pontifice, de sanandis tam Religionis quam Reipublicæ vulneribus, consilia conferret. vix pacem illam civilem Religionis Cæsar coactus extremis Reipublicæ periculis secunda Augosti die confirmaverat, cum Joannes Saxonie Elector, illius Friderici (qui Lutherum primus contra Ecclesiam fovit) frater authorique Protestantium ad extrema vocatus, durissimo agone (d) 16. Augusti est ad Dei Tribunal evocatus, cui filius eius Joannes Fridericus tam in ditionibus, quam Protestantium directione succedit.

II III. Cle-

c Vlenberg Vit. Luth. cap. 24. n. 1. Bzovius in Annalibus &c. d Vlenberg. Vit. Luth. c. 24. n. 4. ex Authoribus Lutheranis & Surio.